

妙法蓮華經。化城諭品。

第七

仏告諸比丘。乃往過去。

無量無邊。不可思議。阿

僧祇劫。爾時有仏。名大

通智勝如來。応供。正徧

知。明行足。善逝。世間

解。無上士。調御丈夫。

天人師。仏。世尊。其因

名好成。劫名大相。諸比

丘。彼仏滅度已來。甚大

久遠。譬如三千大千世界。所有地種。假使有人。磨以為墨。過於東方千国土。乃下一点。大如微塵。又過千国土。復下一点。如是展轉。尽地種墨。於汝等意云何。是諸国土。若算師。若算師弟子。能得邊際。知其數不。不也。世尊。諸比丘。是人所經国土。若点不点。尽抹為

塵。一塵一劫。彼仙滅度  
已來。復過是數。無量無  
邊。百千萬億。阿僧祇劫。  
我以如來知見力故。觀彼  
久遠。猶如今日。爾時世  
尊。欲重宣此義。而說偈  
言  
我念過去世 無量無邊劫  
有仙兩足尊 名大通智勝  
如人以力磨 三千大千土  
尽此諸地種 皆悉以為墨

過於千国土 乃下一塵点  
如是展轉点 尽此諸塵墨  
如是諸国土 点与不点等  
復尽抹為塵 一塵為一劫  
此諸微塵数 其劫復過是  
彼仏滅度来 如是無量劫  
如来無碍智 知彼仏滅度  
及声聞菩薩 如見今滅度  
諸比丘当知 仏智淨微妙  
無漏無所碍 通達無量劫  
仏告諸比丘。大通智勝仏。

壽五百四十萬億。那由佗劫。其仏本坐道場。破魔軍已。垂得阿耨多羅三藐三菩提。而諸仏法。不現在前。如是一小劫。乃至十小劫。結跏趺坐。身心不動。而諸仏法。猶不在前。爾時<sup>切</sup>利諸天。先為彼仏。於菩提樹下。敷師子座。高一由旬。仏於此座。當得阿耨多羅三藐三

菩提。適坐此座。時諸梵  
天王。雨衆天華。面百由  
旬。香風時來。吹去萎華。  
更雨新者。如是不絕。滿  
十小劫。供養於仙。乃至  
滅度。常雨此華。四王諸  
天。為供養仙。常擊天鼓。  
其餘諸天。作天伎樂。滿  
十小劫。至于滅度。亦復  
如是諸比丘。大通智勝仙。  
過十小劫。諸仙之法。乃

現在前。成阿耨多羅三藐三菩提。其仏未出家時。有十六子。其第一者。名曰智積。諸子各有種種珍異。玩好之具。聞父得成。阿耨多羅三藐三菩提。皆捨所珍。往詣仏所。諸母涕泣。而隨送之。其祖轉輪聖王。与一百大臣。及余百千万億人民。皆共圍繞。隨至道場。咸欲親

近。大通智勝如來。供養  
恭敬。尊重讚歎。到已頭  
面禮足。繞仏畢已。一心  
合掌。瞻仰世尊。以偈頌  
曰  
大威德世尊 為度衆生故  
於無量億歲 爾乃得成仏  
諸願已具足 善哉吉無上  
世尊甚希有 一坐十小劫  
身體及手足 靜然安不動  
其心常擔怕 未曾有散亂



究竟永寂滅 安住無漏法  
今者見世尊 安穩成仙道  
我等得善利 稱慶大歡喜  
衆生常苦惱 盲冥無導師  
不識苦尽道 不知求解脫  
長夜增惡趣 減損諸天衆  
從冥入於冥 永不聞仙名  
今仙得最上 安穩無漏法  
我等及天人 為得最大利  
是故咸稽首 歸命無上尊  
爾時十六王子。偈讚仙已。

勸請世尊。轉於法輪。咸  
作是言。世尊說法。多所  
安穩。憐愍饒益。諸天人  
民。重說偈言

世雄無等倫 百福自莊嚴  
得無上智慧 願為世間說  
度脫於我等 及諸衆生類  
為分別顯示 令得是智慧  
若我等得仙 衆生亦復然  
世尊知衆生 深心之所念  
亦知所行道 又知智慧力

欲樂及修福。宿命所行業。  
世尊悉知已。當轉無上輪。  
仏告諸比丘。大通智勝仏。  
得阿耨多羅三藐三菩提時。  
十方各五百万億諸仏世界。  
六種震動。其国中間。幽  
冥之處。日月威光。所不  
能照。而皆大明。其中衆  
生。各得相見。咸作是言。  
此中云何。忽生衆生。又  
其国界。諸天宮殿。乃至

梵宮。六種震動。大光普  
照。徧滿世界。勝諸天光。  
爾時東方。五百萬億。諸  
國土中。梵天宮殿。光明  
照耀。倍於常明。諸梵天  
王。各作是念。今者宮殿  
光明。昔所未有。以何因  
緣。而現此相。是時諸梵  
天王。即各相詣。共議此  
事。而彼衆中。有一大梵  
天王。名救一切。為諸梵

衆。而說偈言

我等諸宮殿 光明昔未有  
此是何因緣 宜各共求之  
為大德天生 為仙出世間  
而此大光明 徧照於十方  
爾時五百萬億國土。諸梵  
天王。與宮殿俱。各以衣  
袂。盛諸天華。共詣西方。  
推尋是相。見大通智勝如  
來。處於道場。菩提樹下。  
坐師子座。諸天龍王。乾

闍婆。緊那羅。摩睺羅伽。  
人非人等。恭敬圍繞。及  
見十六王子。請仏轉法輪。  
即時諸梵天王。頭面礼仏。  
繞百千帀。即以天華。而  
散仏上。其所散華。如須  
弥山。竝以供養。仏菩提  
樹。其菩提樹。高十由旬。  
華供養已。各以宮殿。奉  
上彼仏。而作是言。唯見  
哀愍。饒益我等。所獻宮

殿。願垂納歎。時諸梵天  
王。即於仏前。一心同聲。  
以偈頌曰

世尊甚希有 難可得值遇  
具無量功德 能救護一切  
天人之大師 哀愍於世間  
十方諸衆生 普皆蒙饒益  
我等所從來 五百萬億國  
捨深禪定樂 為供養仏故  
我等先世福 宮殿甚嚴飾  
今以奉世尊 唯願哀納受

爾時諸梵天王。偈讚仏已。各作是言。唯願世尊。轉於法輪。度脫衆生。開涅槃道。時諸梵天王。一心同声。而說偈言  
世尊兩足尊 唯願演說法  
以大慈悲力 度苦惱衆生  
爾時大通智勝如來。默然許之。又諸比丘。東南方。五百萬億國土。諸大梵王。各自見宮殿光明照耀。昔



所未有。歡喜踊躍。生希  
有心。即各相詣。共議此  
事。時彼衆中。有一大梵  
天王。名曰大悲。為諸梵  
衆。而說偈言

是事何因緣。而現如此相  
我等諸宮殿。光明昔未有  
為大德天生。為仏出世間  
未曾見此相。當共一心求  
過千萬億土。尋光共推之  
多是仏出世。度脫苦衆生

爾時五百万億。諸梵天王。  
与宮殿俱。各以衣**襪**。盛  
諸天華。共詣西北方。推  
尋是相。見大通智勝如來。  
处于道場。菩提樹下。坐  
師子座。諸天。龍王。乾  
闥婆。緊那羅。摩**睺**羅伽。  
人非人等。恭敬圍繞。及  
見十六王子。請仏轉法輪。  
時諸梵天王。頭面礼仏。  
繞百千**币**。即以天華。而

散仙上。所散之華。如須  
弥山。竝以供養。仙菩提  
樹。華供養已。各以宮殿。  
奉上彼仙。而作是言。唯  
見哀愍。饒益我等。所獻  
宮殿。願垂納處。爾時諸  
梵天王。即於仙前。一心  
同声。以偈頌曰  
聖主天中天 迦陵頻伽声  
哀愍衆生者 我等今敬礼  
世尊甚希有 久遠乃一現

一百八十劫。空過無有。三惡道充滿。諸天衆減少。今仏出於世。為衆生作眼。世間所歸趣。救護於一切。為衆生之父。哀愍饒益者。我等宿福慶。今得值世尊。爾時諸梵天王。偈讚仏已。各作是言。唯願世尊。哀愍一切。轉於法輪。度脫衆生。時諸梵天王。一心同声。而説偈言。

大聖轉法輪 顯示諸法相  
度苦惱衆生 令得大歡喜  
衆生聞此法 得道若生天  
諸惡道減少 忍善者增益  
爾時大通智勝如來。默然  
許之。又諸比丘。南方五  
百萬億國土。諸大梵王。  
各自見宮殿。光明照耀。  
昔所未有。歡喜踊躍。生  
希有心。即各相詣。共議  
此事。以何因緣。我等宮

殿。有此光曜。而彼衆中。  
有一大梵天王。名曰妙法。  
為諸梵衆。而說偈言  
我等諸宮殿 光明甚威曜  
此非無因緣 是相宜求之  
過於百千劫 未曾見是相  
為大德天生 為仏出世間  
爾時五百萬億。諸梵天王。  
與宮殿俱。各以衣**襪**。盛  
諸天華。共詣北方。推尋  
是相。見大通智勝如來。

处于道場。菩提樹下。坐  
師子座。諸天。龍王。乾  
闥婆。緊那羅。摩睺羅伽。  
人非人等。恭敬圍繞。及  
見十六王子。請仏轉法輪。  
時諸梵天王。頭面礼仏。  
繞百千帀。即以天華。而  
散仏上。所散之華。如須  
弥山。竝以供養。仏菩提  
樹。華供養已。各以宮殿。  
奉上彼仏。而作是言。唯

見哀愍。饒益我等。所獻  
宮殿。願垂納受。爾時諸  
梵天王。即於仏前。一心  
同声。以偈頌曰  
世尊甚難見 破諸煩惱者  
過百三十劫 今乃得一見  
諸飢渴衆生 以法雨充滿  
昔所未曾覩 無量智慧者  
如優曇波羅 今日乃值遇  
我等諸宮殿 蒙光故嚴飾  
世尊大慈悲 唯願垂納受



爾時諸梵天王。偈讚仏已。  
各作是言。唯願世尊。轉  
於法輪。令一切世間。諸  
天。魔梵。沙門。婆羅門。  
皆獲安穩。而得度脫。時  
諸梵天王。一心同聲。以  
偈頌曰  
唯願天人尊 轉無上法輪  
擊于大法鼓 而吹大法螺  
普雨大法雨 度無量衆生  
我等咸歸請 當演深遠音

爾時大通智勝如來。默然許之。西南方。乃至下方。亦復如是。爾時上方。五百万億國土。諸大梵王。皆悉自覩。所止宮殿。光明威曜。昔所未有。歡喜踊躍。生希有心。即各相詣。共議此事。以何因緣。我等宮殿。有斯光明。而彼衆中有一大梵天王。名曰尸棄。為諸梵衆。而說

偈言

今以何因緣 我等諸宮殿  
威德光明曜 嚴飾未曾有  
如是之妙相 昔所未聞見  
為大德天生 為仏出世間  
爾時五百万億。諸梵天王。  
与宮殿俱。各以衣**襪**。盛  
諸天華。共詣下方。推尋  
是相。見大通智勝如来。  
处于道場。菩提樹下。坐  
師子座。諸天。龍王。乾

闍婆。緊那羅。摩睺羅伽。  
人非人等。恭敬圍繞。及  
見十六王子。請仏轉法輪。  
時諸梵天王。頭面礼仏。  
繞百千帀。即以天華。而  
散仏上。所散之華。如須  
弥山。竝以供養。仏菩提  
樹。華供養已。各以宮殿。  
奉上彼仏。而作是言。唯  
見哀愍。饒益我等。所獻  
宮殿。願垂納处。時諸梵

天王。即於仏前。一心同  
声。以偈頌曰

善哉見諸仏 救世之聖尊  
能於三界獄 勉出諸衆生  
普智天人尊 愍哀群萌類  
能開甘露門 広度於一切  
於昔無量劫 空過無有仏  
世尊未出時 十方常闇暝  
三惡道增長 阿修羅亦盛  
諸天衆轉減 死多墮惡道  
不從仏聞法 常行不善事

色力及智慧  
罪業因緣故  
住於邪見法  
不蒙仏所化  
仏為世間眼  
哀愍諸衆生  
超出成正覺  
及余一切衆  
我等諸宮殿  
今以奉世尊  
願以此功德

斯等皆減少  
失樂及樂想  
不識善儀則  
常墮於惡道  
久遠時乃出  
故現於世間  
我等甚欣慶  
喜歎未曾有  
蒙光故嚴飾  
唯垂哀納受  
普及於一切

我等与衆生 皆共成仏道  
爾時五百万億。諸梵天王。  
偈讚仏已。各白仏言。唯  
願世尊。轉於法輪。多所  
安穩。多所度脱。時諸梵  
天王。而説偈言  
世尊轉法輪 擊甘露法鼓  
度苦惱衆生 開示涅槃道  
唯願受我請 以大微妙音  
哀愍而敷演 無量劫習法  
爾時大通智勝如来。受十

方諸梵天王。及十六王子  
請。即時三轉。十二行法  
輪。若沙門。婆羅門。若  
天。魔梵。及余世間。所  
不能轉。謂是苦。是苦集。  
是苦滅。是苦滅道。及広  
說。十二因緣法。無明緣  
行。行緣識。識緣名色。  
名色緣六入。六入緣觸。  
觸緣受。受緣愛。愛緣取。  
取緣有。有緣生。生緣老



死憂悲苦惱。無明滅則行  
滅。行滅則識滅。識滅則  
名色滅。名色滅則六入滅。  
六入滅則觸滅。觸滅則受  
滅。受滅則愛滅。愛滅則  
取滅。取滅則有滅。有滅  
則生滅。生滅則老死憂悲  
苦惱滅。仏於天人大衆之  
中。說是法時。六百萬億。  
那由佗人。以不受一切法  
故。而於諸漏。心得解脫。

皆得深妙禪定。三明。六通。具八解脫。第二。第三。第四說法時。千萬億恒河沙。那由佗等衆生。亦以不受一切法故。而於諸漏。心得解脫。從是已後。諸聲聞衆。無量無邊不可稱數。爾時十六王子。皆以童子出家。而為沙彌。諸根通利。智慧明了。已曾供養。百千萬億諸仏。

淨修梵行。求阿耨多羅三藐三菩提。俱白仏言世尊。是諸無量千萬億。大德聲聞。皆已成就世尊。亦當為我等。說阿耨多羅三藐三菩提法。我等聞已皆共修學。世尊我等。志願如來知見。深心所念。仏自証知。爾時轉輪聖王。所將衆中。八萬億人。見十六王子出家。亦求出家。

王即聽許。爾時彼仙。受  
沙彌請。過二万劫已。乃  
於四衆之中。說是大乘經。  
名妙法蓮華。教菩薩法。  
仙所護念。說是經已。十  
六沙彌。為阿耨多羅三藐  
三菩提故。皆共受持。諷  
誦通利。說是經時。十六  
菩薩沙彌。皆悉信受。声  
聞衆中。亦有信解。其余  
衆生。千万億種。皆生疑

惑。仙說是經。於八千劫。  
未曾休廢。說此經已。即  
入靜室。住於禪定。八万  
四千劫。是時十六菩薩沙  
彌。知仙入室。寂然禪定  
各昇法座。亦於八万四千  
劫。為四部衆。廣說分別。  
妙法華經。一一皆度。六  
百万億那由佗。恒河沙等  
衆生。示教利喜。令發阿  
耨多羅三藐三菩提心。大

通智勝仙。過八万四千劫已。從三昧起。往詣法座。安詳而坐。普告大眾。是十六菩薩沙弥。甚為希有。諸根通利。智慧明了。已曾供養。無量千万億數諸仙。於諸仙所。常修梵行。受持仙智。開示眾生。令入其中。汝等皆當數數親近。而供養之。所以者何。若声聞辟支仙。及諸菩薩。

能信是十六菩薩。所說經法。受持不毀者。是人皆當得阿耨多羅三藐三菩提。如來之慧。仏告諸比丘。是十六菩薩。常樂說是妙法蓮華經。一一菩薩所化六百萬億那由佗。恒河沙等衆生。世世所生。與菩薩俱。從其聞法。悉皆信解。以此因緣。得值四萬億。諸仏世尊。于今

不尽。諸比丘。我今語汝。彼仏弟子。十六沙弥。今皆得阿耨多羅三藐三菩提。於十方国土。現在說法。有無量百千萬億。菩薩聲聞。以為眷属。其二沙弥。東方作仏。一名阿閼。在歡喜国。二名須弥頂。東南方二仏。一名師子音。二名師子相。南方二仏。一名虚空住。二名常滅。



西南方二仏。一名帝相。  
二名梵相。西方二仏。一  
名阿彌陀。二名度一切世  
間苦惱。西北方二仏。一  
名多摩羅跋梅檀香神通。  
二名須彌相。北方二仏。  
一名雲自在。二名雲自在  
王。東北方仏。名壞一切  
世間怖畏。第十六我釈迦  
牟尼仏。於娑婆国土。成  
阿耨多羅三藐三菩提。諸

比丘。我等為沙彌時。各  
各教化。無量百千萬億。  
恒河沙等衆生。從我聞法。  
為阿耨多羅三藐三菩提。  
此諸衆生。于今有住。声  
聞地者。我常教化。阿耨  
多羅三藐三菩提。是諸人  
等。咸以是法。漸入仏道。  
所以者何。如來智慧。難  
信難解。爾時所化。無量  
恒河沙等衆生者。汝等諸

比丘。及我滅度後。未來  
世中。聲聞弟子是也。我  
滅度後。復有弟子。不聞  
是經。不知不覺。菩薩所  
行。自於所得功德。生滅  
度想。當入涅槃。我於余  
國作仙。更有異名。是人  
雖生。滅度之想。入於涅  
槃。而於彼土。求仙智慧。  
得聞是經。唯以仙乘。而  
得滅度。更無余乘。除諸

如來。方便說法。諸比丘。  
若如來自知。涅槃時到。  
眾又清淨。信解堅固。了  
達空法。深入禪定。便集  
諸菩薩。及聲聞眾。為說  
是經。世間無有二乘。而  
得滅度。唯一仙乘。得滅  
度耳。比丘當知。如來方  
便。深入眾生之性。知其  
志樂小法。深著五欲。為  
是等故。說於涅槃。是人

若聞。則便信受。譬如五  
百由旬。險難惡道。曠絕  
無人。怖畏之處。若有多  
衆。欲過此道。至珍寶處。  
有一導師。聰慧明達。善  
知險道。通塞之相。將導  
衆人。欲過此難。所將人  
衆。中路懈退。白導師言。  
我等疲極。而復怖畏。不  
能復進。前路猶遠。今欲  
退還。導師多諸方便。而

作是念。此等可愍。云何捨大珍寶。而欲退還。作是念已。以方便力。於險道中。過三百由旬。化作一城。告衆人言。汝等勿怖。莫得退還。今此大城。可於中止。隨意所作。若入是城。快得安穩。若能前至寶所。亦可得去。是時疲極之衆。心大歡喜。歎未曾有。我等今者。免

斯惡道。快得安穩。於是  
衆人。前入化城。生已度  
想。生安穩想。爾時導師。  
知此人衆。既得止息。無  
復疲倦。即滅化城。語衆  
人言。汝等去來。宝所在  
近。向者大城。我所化作。  
為止息耳。諸比丘。如來  
亦復如是。今為汝等。作  
大導師。知諸生死。煩惱  
惡道。險難長遠。忘去忘

度。若衆生。但聞一仏乘者。則不欲見仏。不欲親近。便作是念。仏道長遠。久受勤苦。乃可得成。仏知是心。怯弱下劣。以方便力。而於中道為止息故。說二涅槃。若衆生住於二地。如來爾時。即便為說。汝等所作未弁。汝所住地。近於仏慧。當觀察籌量。所得涅槃。非真實也。但



是如來。方便之力。於一  
仙乘。分別說三。如彼導  
師。為止息故。化作大城。  
既知息已。而告之言。宝  
所在近。此城非實。我化  
作耳。爾時世尊。欲重宣  
此義。而說偈言  
大通智勝仙 十劫坐道場  
仙法不現前 不得成仙道  
諸天神龍王 阿修羅眾等  
常雨於天華 以供養彼仙

諸天擊天鼓 竝作衆伎樂  
香風吹萎華 更雨新好者  
過十小劫已 乃得成仏道  
諸天及世人 心皆懷踊躍  
彼仏十六子 皆與其眷屬  
千萬億圍繞 俱行至仏所  
頭面礼仏足 而請轉法輪  
聖師子法雨 充我及一切  
世尊甚難值 久遠時一現  
為覺悟群生 震動於一切  
東方諸世界 五百萬億国

梵宮殿光曜 昔所未曾有  
諸梵見此相 尋來至仏所  
散華以供養 竝奉上宮殿  
請仏轉法輪 以偈而讚歎  
佛知時未至 受請默然坐  
三方及四維 上下亦復爾  
散華奉宮殿 請仏轉法輪  
世尊甚難值 願以大慈悲  
広開甘露門 轉無上法輪  
無量慧世尊 受彼衆人請  
為宣種種法 四諦十二縁

無明至老死 皆從生緣有  
如是衆過患 汝等應當知  
宣暢是法時 六百萬億姪  
得盡諸苦際 皆成阿羅漢  
第二說法時 千萬恒沙衆  
於諸法不受 亦得阿羅漢  
從是後得度 其數無有量  
萬億劫算數 不能得其邊  
時十六王子 出家作沙彌  
皆共請彼仙 演說大乘法  
我等及宮從 皆當成仙道

願得如世尊  
慧眼第一淨  
仙知童子心  
宿世之所行  
以無量因緣  
種種諸譬諭  
說六波羅蜜  
及諸神通事  
分別真實法  
菩薩所行道  
說是法華經  
如恒河沙偈  
彼仙說經已  
靜室入禪定  
一心一處坐  
八万四千劫  
是諸沙彌等  
知仙禪未出  
為無量億眾  
說仙無上慧  
各各坐法座  
說是大乘經

於仏宴寂後  
一一沙彌等  
有六百萬億  
彼仏滅度後  
在在諸仏土  
是十六沙彌  
今現在十方  
爾時聞法者  
其有住聲聞  
我在十六數  
是故以方便

宣揚助法化  
所度諸衆生  
恒河沙等衆  
是諸聞法者  
常與師俱生  
具足行仏道  
各得成正覺  
各在諸仏所  
漸教以仏道  
曾亦為汝説  
引汝趣仏慧

以是本因緣 今說法華經  
令汝入仙道 慎勿懷驚懼  
譬如險惡道 迴絕多毒獸  
又復無水草 人所怖畏處  
無數千萬衆 欲過此險道  
其路甚曠遠 經五百由旬  
時有一導師 強識有智慧  
明了心決定 在險濟衆難  
衆人皆疲倦 而白導師言  
我等今頓乏 於此欲退還  
導師作是念 此輩甚可愍

如何欲退還 而失大珍寶  
尋時思方便 當設神通力  
化作大城郭 莊嚴諸舍宅  
周市有園林 渠流及浴池  
重門高樓閣 男女皆充滿  
即作是化已 慰眾言勿懼  
汝等入此城 各可隨所樂  
諸人既入城 心皆大歡喜  
皆生安穩想 自謂已得度  
導師知息已 集眾而告言  
汝等當前進 此是化城耳



我見汝疲極  
故以方便力  
汝今勤精進  
我亦復如是  
見諸求道者  
不能度生死  
故以方便力  
言汝等苦滅  
既知到涅槃  
爾乃集大眾  
諸仙方便力

中路欲退還  
權化作此城  
當共至寶所  
為一切導師  
中路而懈廢  
煩惱諸險道  
為息說涅槃  
所作皆已弁  
皆得阿羅漢  
為說真實法  
分別說三乘

唯有一仏乘 息処故説二  
今為汝説実 汝所得非滅  
為仏一切智 当發大精進  
汝証一切智 十力等仏法  
具三十二相 乃是真實滅  
諸仏之導師 為息説涅槃  
既知是息已 引入於仏慧

妙法蓮華經卷第三